

## **Niko Lozančić**

Pitanje postavljeno Vijeću ministara BiH i Ministarstvu vanjske trgovine i ekonomskih odnosa BiH – “Krajem januara 2012. u BiH planiran je monitoring sektora peradarstva od strane ekspertne grupe Ureda za hranu i veterinarstvo Evropske komisije. Monitoring se vrši u firmama iz ovog sektora koje predlaže Ured za veterinarstvo BiH, a na prijedlog entitetskih ministarstava. Prema mojim saznanjima, iz Federacije BiH predložene su određene firme, a među njima i firma *ZDI Produkt*, vrlo sumnjivog rejtinga, koja je već u ovoj godini dva puta mijenjala naziv iz njima poznatih razloga i vrlo sumnjivih standarda. Ali zato nisu predložene firme kao *Perutnina – Ptuj – BH*, koje ispunjavaju većinu tih standarda i koje zapošljavaju čak i preko 500-600 radnika i koje daleko, po svim aspektima organizacij, odmiču od nekih firmi koje su predložene. Postavljam pitanje Vijeću ministara BiH i Ministarstvu vanjske trgovine i ekonomskih odnosa BiH:

1. Da li su tačne informacije navedene u uvodu ovog pitanja?
2. Koji su kriteriji za odabir firmi u kojima će se vršiti monitoring?
3. Može li Ministarstvo ili Vijeće ministara BiH spriječiti ovakav način odabira poslovnih subjekata jer je očigledno da je odabir vršen bez bilo kakvih kriterija i da će, ako ovaj odabir ostane do dolaska eksperata Evropske komisije, biti nanesena velika šteta privredi BiH, a posebno sektoru peradarstva jer će biti stvorena dosta loša slika o tom sektoru, čime će se i onima koji to zaslužuju, onemogućiti izlazak sa svojim proizvodima na evropsko tržište?”